

四庫全書

子部

欽定四庫全書

子部
說郛卷一百八上
下

詳校官監察御史

臣徐如澍

員外郎臣牛稔文覆勘

總校官編修臣倉聖脉

校對官編修臣王坦修

謄錄監生臣張承恩

欽定四庫全書

說郭卷一百八上

元 陶宗儀 撰

風后握奇經 公孫弘解

宋高似孫曰馬隆本作握機敘云風后軒轅臣也
幄者帳也大將所居言其事不可妄示人故云握
機人稱諸子總有三本其一本三百六十字一本
三百八十字蓋呂尚增字以發明之其一行簡有
公孫弘等語或云武帝令霍光等習之於平
樂館以輔少主備天下之不虞今本衍四字

經曰八陣四為正四為奇

舊注奇讀如字後人說天地
風雲為四正龍虎鳥蛇為四

奇公孫弘曰世有八卦陣法其既不
用奇正似非風后所傳未可參用

餘奇為握奇

舊注
奇讀

如奇耦之奇解云說奇正者多矣而握奇云者四為正
四為奇餘奇為握奇陣數有九中心奇零者大將握之
以應赴八陣之急處或總稱之先出遊軍定兩端天有衝圓地有

軸前後有衝

一作有風雲

風附於天雲附於地衝有重列各

四隊前後之衝各三隊風居四維故以圓軸單列各三
隊前後之衝各三隊風居四角故以方天居兩端地居
中間總為八陣陣訖遊軍從後躡敵或驚其左或驚其
右

驚一作警

聽音望麾以出四奇

天地之前衝為虎翼風為蛇蟠圍繞之義也虎居於中

張翼以進蛇居兩端向敵而蟠以應之天地之後衝為
飛龍雲為鳥翔突擊之義也龍居其中張翼以進鳥掖
兩端向敵而翔以應之虛實二壘一作三軍皆逐天文氣候
向背山川利害隨時而行以正合以奇勝天地以下八
重以列或曰握機望敵即引其後以犄角前列不動而
前列先進以次之公孫弘曰傳項氏陣法依此今按而
前列等八字舊文在依此注下誤也
故遽次以成之或合而為一因離而為八各隨師之多少觸類
而長

天或圓而不動

一作天或圓而不布

前為左後為右天地四望之

屬是也

一本下有風象二字

天居兩端其次風其次雲

一作其次天衛其次

地衛其次風衛其次雲

左右相向是也地方布風雲各在後衛之

前天居兩端其次地居中間

一作其次地

兩地為比是

也

公孫弘曰比為地為從天陣變為地陣或即張弛布勢破敵攻圍不定其形故為動也一本自公孫弘曰

動靜二義皆離出經文中

縱布天一

一作兩天一無兩字而縱字上有雲象龍一句一作龍者象龍

天二次之

天二一作兩天

縱布地四次於天後

一作縱布四地

下四縱布四風挾天地之左右

地一字

天地前衛居其右

後衝居其左

一無二句一無天地字
一無居其右後衝五字

雲居兩端虛實二

壘則此是也

一本下有比為動也四字一無虛實已下
公孫弘曰人多傳韓信注釋天或圖布已

下與此微有差異而范蠡樂毅之說相雜今亦錯綜於
其中其部隊或三五或三十或五十變通之理寄之明
哲不復備載近古以來其文不滿尺多憑口訣以相傳
授予今於難解之處增字發明之耳一本其部隊下上
五十云陣圖如此變通由人以為經文誤也按公孫氏
稱與其異者天或圖布次遊軍定兩端下以為正經而
以天有衝止觸類而長列于續圖
雲為翔鳥之下今馬本尚如此

握奇經續圖

角音二

初警衆

末收衆

革音五

一持兵

二結陣

三行

四趨走

五急鬪

金音五

一緩鬪

二止鬪

三退

四背

五急背

背一本
作趨

魔法五

一玄

二黃

三白

四青

赤一作

五赤

一作青

旗法八

一天玄

二地黃

三風赤

四雲白

五天前上玄下赤

六天後上玄下白

七地前上玄下青

一作赤

八地後上黃下赤

一作青

陣勢八

天

地

風

雲

飛龍

翔鳥

虎翼

蛇蟠

二革二金為天

三革三金為地

二革三金為風

三革二金為雲

四革三金為龍

三革四金為虎

四革五金為鳥

五革四金為蛇

舊注此八陣名
用金鼓之制

其金革之間加一角音者在天為兼風在地為兼雲在

龍為兼鳥在虎為兼蛇加二角音者全師進東加三角

音者全師進南

一作西

加四角音者全師進西

一作南

加五

角音者全師進北鞞音不止者行伍不整金革既息而

角音不止者師並旋

三十二隊天衝

十六隊風

八隊天前衝

十二隊地前衝

十二隊地軸

合作二十四隊

八隊天後衝

十二隊地後衝

十六隊雲

以天地前衝為虎翼天地後衝為飛龍風為蛇蟠雲
為翔鳥

八陣總述

晉平虜護軍西平太守封奉高侯加授東莞校尉

馬隆述

治兵以信求勝以奇信不可易戰無常規可握則握可施則施千變萬化敵莫能知

匹陳讚

動則為奇靜則為陳陳者陳列戰則不盡分苦均勞佚輪輒定有兵前守後隊勿進

天陳讚

天陳十六內方外圓四面風衝其形象天為陳之主為
兵之先潛用三軍其形不偏

地陳讚

地陳十二其形正方雲生四角衝軸相當其體莫測動
用無疆獨立不可配之於陽

風陳讚

風無正形附之於天變而為蛇其意漸玄風能鼓動萬
物驚焉蛇能圍繞三軍懼焉

雲陳讚

自太公范蠡以來風雲無正形所以附天下

雲附於地則知無形變為翔鳥其狀乃成鳥能突擊雲能晦冥千變萬化金革之聲

飛龍

天地後衝龍變其中有手有足有背有胸潛則不測動則無窮陳形亦然象名其龍

翔鳥

鷲鳥擊搏必先翺翔勢凌霄漢飛禽伏藏審而下之下

必有傷一夫突擊三軍莫當

蛇蟠

風為蛇蟠蛇吞天真勢欲圍繞性能屈伸四季之中與
虎為鄰後變常山首尾相因

虎翼

天地前衝變為虎翼伏虎將搏盛其威力淮陰用之變
化無極垓下之會魯公莫測

奇兵讚

古之奇兵兵在陳內今人奇兵兵在陳外兵體無形形
露必潰審而為之百戰不昧

合而為一離而為八

合而為一平川如城散而為八逐地之形混混沌沌如
環無窮紛紛紜紜莫知所終合則天居兩端地居其中
散則一陰一陽兩兩相衝勿為事先動而輒從

遊軍

遊軍之形乍動乍靜避實擊虛視羸撓盛結陳趨地斷

統四徑後賢審之勢無常定

金革

金有五革有五退則聽金進則聽鼓鼓以增氣金以抑怒握其機關戰不失度

鞀鼓

紅塵戰深白刃相臨勝負未決人懷懼心乍犇乍背或縱或擒行伍交錯整在鞀音

麾角

魔法有五光目條流角音有五初驚末收魔者指揮角者驚覺臨機變化慎勿交錯

光目一作光自

兵體

上兵伐謀其下用師棄本逐末聖人不為利物禁暴隨時禁衰蓋不得已聖人用之英雄為將少惕乾乾

舊闕四字

其形不偏樂與身後勞與身先小人偏勝君子兩全爭者逆德不有破軍必有亡國握機為陳動則為賊後賢審之勿以為惑夫樂殺人者不得志於天下聖人之言

以戒來者

一作天下

似孫曰風后握奇經三百八十四字其妙本乎奇正相生變化不測蓋潛乎伏羲氏之畫所謂天地風雲龍鳥蛇虎則其為八卦之象明矣蓋注奇讀如奇耦之奇則尤可與易準諸儒多稱諸葛武侯八陣唐李衛公六花皆出乎此唐裴緒之論又以為六十四卦之變其出也無窮若此則所謂八陣者特八卦之統爾焦氏易學卦變至乎四千七十有六奇正相錯變化無窮是可以名

數該之乎然觀太公武韜且言牧野之師有天陣有地陣此固出於握奇而又有入陣焉此又出於天地陣之外者非八陣六花所能盡也獨孤及作風后八陣圖記有曰黃帝順煞氣以作兵法文昌以命將風后握機制勝作為陣圖故八其陣所以定位衝抗於外軸布於內風雲負其四維所以備物也虎張翼以進蛇向敵而蟠飛龍翔鳥上下其勢所以致用也至若疑兵以固其餘地遊軍以案其後列門具將發然後合戰弛張則二廣

迭舉犄角則四奇皆出圖成樽俎帝用經畧北逐獯鬻
南平蚩尤遺風冥冥神機未昧項籍得之霸西楚黥布
得之奄九江孝武得之攘匈奴唐天寶中客有得其遺
制於黃帝書之外篇裂素而圖之按魚復之圖全本於
握機得其妙窮其神者武侯而已獨孤乃以為項黥武
帝得之未之思歟

--	--	--	--	--	--	--	--

算經 謝察微

大數

一大數之始也

十
十箇一
為十

百
十箇十
為百

千
十箇百
為千

萬
十千為萬
數之成也

十萬

百萬

千萬

億
萬萬曰億

十億

百億

千億

萬億

十萬億

百萬億

千萬億

兆
萬萬曰兆

京
萬萬曰京

垓
萬萬曰垓

秭
萬萬曰秭

小數

分

十釐
為分

釐

十毫

毫

十絲

絲

十忽

忽

十微

微

十纖

纖

十沙

沙

十塵

塵

埃渺

度

丈

十尺

尺

十寸

寸

十分

分

十釐

釐

毫

絲

忽

已上
同前

尺

四丈
今無定制

端

五丈
今亦不一

量

石

十斗

斗

十升

升

十合

合

十勺

勺

十抄

抄

十撮

撮

十圭

圭

六粟

粟

即一粒之粟也

斛

古一石今五斗或二斗五升

釜

六斗四升

庾

十六斗

秉

十六斛

衡

斤

十六兩

兩

二十四銖

銖

十綮

綮

十黍

泰

未方得而有准

秤

原十五斤今二十斤或三十斤

鈞

二秤

石

四鈞

引

二百斤

今兩之下惟用錢分厘毫絲忽也

畝

畝

橫一步直二百四十步
即濶一丈長六十丈也

若以自方五尺計
之積六千尺也

步

方五尺也

分

五寸

釐

半寸

毫

絲

忽

里

三百六十步

計一百八十丈約人行一

千步

頃

今以百畝為頃

頃畝者乃積稅之總也
四步為一分十分為畝
畝

之以下曰
厘毫絲忽

角

一畝分為四角
每角六十步也

九章名義

一曰方田

以御田疇界域

二曰粟布

以御交易

三曰衰分

以御貴賤廩稅

四曰少廣

以御積累方圓

五曰商功

以御功程積實

六曰均輸

以御遠近勞費

七曰盈朒

以御隱雜互見

八曰方程

以御雜操正負

九曰勾股

以御高深廣遠

用字例義

法

也樣數

實

也本數

因

法之單位者又由也歸入已之數也

加

也增添

減

也除少

乘

法之多位者

歸

先歸後除合名也

除

也減少

積

乘成之數也

乘

法實合變數也

如

九數用此下一位也

身

也本位

則

法也

左

位上也邊大

右

位也下邊小

縱

也直長

橫

也廣濶

廣

也橫濶

濶

也橫廣

直

長也

面

也方面

高

也立起

深

也陷下

倍

數加上本

併

相二數合

截

也割斷

分

也撥開

原

也初數

差

同多少不

通

其會同

變

其改換

約

也量度

中

之算盤

進

一位移上前

逢

而言有數

上

又脊梁之上

下

又脊梁之下

挨

數也隨身變

退

一位移下後

勾

濶也

股

長也

斜

又兩隅相去

弦

弧矢亦有弦

隅

也曲角

長

直也

周

也外圓

較

餘相減也

廉

也方直

方

同四而數

徑

之周中弦

脊

梁盤中橫隔木

列位

位各置

折半

減去一半

還原

數復舊也

商除

量心與意商而除之

相乘

長濶或銀貨等

自乘

法實數同相乘

再乘

而自乘之又乘

遍乘

遍先以一法乘諸數

合用商開之法于盤中

開方

還原即自乘也

開立

乘即自乘再還原

實

即商總也

併率

如一二三四五併得十五數也

得令

斤兩貫石等類也

得術

乃法首位每下該得之名

互乘

如四處數目上下斜角相乘

相減

如二數以少減多餘曰較

合得

定算數奪

維乘

四處顛倒相乘

若干

一為數始十為
數終未算難定

幾何

與若干
相同

望氣經 邵謬

凡望氣占候皆在子午卯酉之時太乙初移宮皆有氣見可以測之夕則日入時朝則日出時夜則夜半時中則午時

天無言以七曜垂文地無言以五雲騰氣四時無言以寒暑變節六甲無言以孤虛定位

晉氣之雲白潤精明楚雲如日渤海碣岱之間雲氣正黑色魏雲如鼠越雲如龍荆雲如犬秦雲如行人周雲

如車輪華山河南氣色下黑上赤韓雲似布幽薊之氣
如長蛇形宋雲如車魯雲如馬蜀雲如圉輦乍高乍下
濟水之雲如黑猪東齊之雲如青靛淮水之間氣如瀑
布渭水之象如白狼尾東海之氣如懸燈烟附漢亦如
圖畫江漢之氣如搖杆東齊吳鄭之間氣如絳衣趙冀
氣如黑牛尾燕趙之間上青下黑北夷氣如穹廬狀也
北狄之氣如牛羊之羣來而不斷也南蠻之氣如舩如
閣亦如旌旗搖動東夷氣如樹西戎氣如屋宅之狀海

傍蜃氣如樓閣廣野之氣如宮闕千歲靈龜上有白雲
常聚雲氣多黑潤者其下有潛龍

二分二至必占雲氣黃雲如覆車五穀

元作榮

大熟青雲

致蟲白雲致盜烏黑雲多水赤雲有火鬱鬱蔥蔥隱隱
隆隆佳氣也綿綿絞絞條條片片兵氣也澤澤皸皸女
子氣也如藤蔓掛樹者寶氣也紫氛如樓者玉氣也赭
氣有銅紅氣有瓊為璘褐色為鍤赭色雲氣下垂不可
以掘

山雲草莽水雲魚鱗旱雲烟火涔雲波水陣雲如立垣

杼雲類軸杓雲如繩蛻

史記作
蛻者

雲類闕旗勝兵雲氣如

織敗兵雲氣如枯

若煙非煙若雲非雲郁郁紛紛蕭索輪囷是曰

史記
作謂卿

雲卿雲者

史記
作見

喜氣也若霧非霧若蒙非蒙著

史記無
此六字

衣冠而不濡見則其國

史記
作域

被甲而趨

凡望雲氣仰而望之三四百里平望在桑榆上餘二千

里登高而望之下屬地者三千里雲氣有獸居上者勝

墨子呂不韋陳平范增皆有其書今不可見其書引
易通卦驗春秋感精符云

--	--	--	--	--	--	--	--

星經卷上 甘公石申著

原缺文一張

四輔




四輔四星抱北極樞星主君臣禮儀主政萬機輔弼佐理萬邦之象輔佐北辰而出入授政也

六甲



六甲六星在華蓋之下扛星之旁主分陰陽而配於節候出入故在帝座旁所布政教而授農時也

鈎陳



鈎陳六星在五帝下為後宮大帝正妃又主天子六軍將軍又主三公若星暗人主凶惡之象矣

天皇

○

天皇大帝一星在鈎陳中央也不記數皆是一星在五帝前坐萬神輔錄圖也其神曰耀魄寶主御羣靈也

柱下

○

柱下史在北辰東主左右史記過事也

尚書



五尚書在東南維主納言夙夜諮謀事也

內廚



內廚二星在西北角主六宮飲食后妃第宴飲廚府也


天床



天床六星在宮門外聽政之前亦主寢宴會讌息床星

傾天子不安失位也訣曰火入紫微宮中天下大亂帝王失位

北斗




北斗星謂之七政天之諸侯亦為帝車魁四星為璇璣杓三星為玉衡齊七政斗為人君號令之主出號施令布政天中臨制四方第一名天樞為土星主陽德亦曰政星也是太子像星暗亦經七日則大災第二名璇主

金刑陰女主之位主月及法若星暗經六日則月蝕第
三名璣主木及禍亦名金星若天子不愛百姓則暗也
第四名權主火為伐為天理伐無道也天子施令不依
四時則暗第五名衡主水為煞助四時旁煞有罪天子
樂淫則暗第六名閭陽主木及天下倉庫五穀第七名
瑤光主金亦為應星訣曰王有德至天則斗齊明國昌
總暗則國有災起也右斗中子星少則人多姪亂法令
不行木星守貴人繁天下亂也火星守兵起人主災人

不聊生棄宅走奔諸邑守斗西大饑人相食守斗南五
果不成五星入斗中國易政又易主大亂也彗孛入斗
中天下改主有大戮先舉兵者咎後舉兵者昌其國主
大災甚於彗之禍右旁守之咎重細審之所守樞入張
一度去北辰十八度也衡去極十五度去辰十一度

華蓋



華蓋十六星星在五帝座上正吉帝道昌星傾邪大凶

扛九星為華蓋之柄也上七星為庶子之官若星明匡主天下不明主亂期八年國無主也

五帝座



五帝內座在華蓋下覆帝座也五帝同座也上色正吉色變為災凶也

御女



御女四星在鉤陳北主天子八十一御女妃也后之官明吉暗凶也

天柱



天柱五星在紫微宮內近東垣主建教等二十四氣也

女史



女史一星在天柱下史北掌記禁中傳漏動靜主時要事也

陰德



陰德二星以太陰在尚書西主天下綱紀陰德遺周給惠賑財之事

大理

。一。


大理二星在宮門內主刑獄事也自北極已下五十星並在紫微宮內外占曰彗孛入中宮有異姓王火星入守北極臣下煞君木星入守北極國有大衰若分守久有逆臣反亂土星犯乘之大人當之太子有罪五星聚在中宮改立帝王五星及客犯守鉤陳者大臣凶所守犯之座皆受其殃咎也

輔星

。


輔星像親近大臣輔佐興而相明若明大如斗者則相
奪政兵起若暗小則死免官若近斗一二寸為臣迫脅
主若五六寸四遠客及彗孛入斗中諸侯爭權逼天子
月暈斗大水入城兵起主有赦北斗第六七損角第四
五六指南第一二指觜二十有九星

內階



內階六星在文昌北階為明堂頭

文昌



文昌七星如半月形在北斗魁前天府主營計天下事
其六星各有名六司法大理色黃光潤則天下安萬物
成青黑及細微多所殘害搖動移處三公被誅不然皇
后崩文昌與三公攝提軒轅共為一體通占木土星守
之天下安火星守國亂兵起金星守兵大起若彗孛流
星入之大將反叛亂也

三公



三公三星在斗柄東和陰陽齊七政以教天下人一星
凶天下危二星亡天下亂三星亡天下不治也

天棓



天棓五星不用明明則天下兵起斧鉞用鎗棓八星皆
非常也入氐一度去北辰二十八度


天槍



天槍三星在北斗柄東主天鋒武備在紫微宮右以御

也

傳舍



傳舍九星在華蓋奚仲北近天河主賓客之館客星守之兵起今四方館也

天廚



天廚六星在紫微宮東北維近傳舍北百官廚今先祿

厨像之星亡君子賣衣民人賣妻子大饑客守之大饑
荒

天一。

天一星在紫微宮門外右曰南為天帝之神主戰鬪知
吉凶星明吉暗凶若離本位而乘斗後九十日必兵大
起也光明陰陽和也萬物盛天子吉星亡天下亂大凶
也

太一。

太一星在天一南半度天帝神主十六神知風雨水旱
兵馬饑饉疾病災害若在其國也星明吉暗凶離本位
而乘斗者九十日必兵大起也天一星入軫十度去北
辰十五度半太一星去北辰十一度

天牢



天牢六星在北斗魁下貴人牢占為貫索同主禁思慕
姦志火星守入之人民相食之應有赦也

東方七宿三十三星七十五度并中外官輔座等

角宿



角二星為天門壽星金星春夏為火秋冬為水蒼龍角也東方首宿南左角名天津蒼色為列宿之長北右角為天門黃色中間名天闕左主天田右主天祇十三度八月日在北南去北辰九十一度凡日月五星皆從天闕行此為黃道入黃道為早其角南二度為太陽道入陰道為水角宿北二度為陰道角宿直指辰即是耕種次為農官若明大王道太平若暗及芒角搖動王者失

政星微小國弱失政王道不行春日月入角暈者王失
政日月角中蝕者其邦不寧木星守七日有赦忠臣用
火星守忠臣賢相受誅繒帛貴有關戰萬人兵起期以
日宮中盜賊內亂火守角官道不通火環遠鉤已者國
大饑火犯之必戰火守左角太尉死國危守右角五穀
不熟大水災犯左右角羣臣謀戰不成伏誅土守內主
喜六十日國有忿爭金守天下兵大盛國有爭事金火
合守太白居後被軍將殺水守王者刑罰急有水災疾

疫客彗孛入角色白者國有兵起及大喪亦軍敗城陷
客守四十五日旱五穀焦風雨不時蝗蟲起星流出角
門天子發使出外從他宿入角門外國使入中京或為
近臣殺主戰死月蝕熒惑有亂臣在宮非賊而盜月入
天市及河而暈三重兵起天下道斷軍將失利

天理



天理四星在北斗杓中主貴人牢為執法官星不欲明
明則貴人被罪

執法



執法四星在太陽守西北主刑獄之人又為刑政之官
助宣王命內常侍官也

太陽



太陽守在西北主大臣將備天下不虞事星明吉暗凶
星移天下兵起中國不安之應也入張十三度北極四
十五度

相



相星在北極斗南總領百司掌邦教以佐帝王安撫國家集衆事冢宰之佐星明吉暗凶亡相死不然流出太陽入張十三度去北辰四十五度相入翼一度去北辰三十一度

平道



平道二星在角間主路道之官

進賢



進賢一星在平道西坦卿相薦舉逸士學官等之職也

星明賢士用進暗小人用

天門



天門二星在左角南主天門侍宴應對之所

天田




天田二星在角北主天子畿內地佐封壇界城邑邊塞

周鼎



周鼎三星足狀云鼎足星在攝提大角西主神鼎

庫樓



庫樓星二十九星庫樓十五柱十五星衡四星在角南
軫東南次器府東一曰文陣兵車之府中繁衆則大兵
起庫中無星下臣逆謀兵盡出天下無災居者庫中柱
動出兵戈四夷狄柱半不具天子自將半兵出木星守

人饑米貴西入軫一度去北辰四十九度昏中西去北
辰八十九度

左攝提



右攝提



攝提六星在角亢東北主九卿為甲兵揚紀綱建時節
祥火星守天下更主金星守兵起

大角。

大角一星天棟在攝提中主帝座金星守兵大起月蝕

王者惡忌之入亢三度半去北辰五十九度也

帝席



帝席三星在大角北星暗天下安星不欲明明則王公


凶

亢池



亢池六星在亢北主度送迎之事

折威



折威七星在亢南主詔獄斬殺邊將死事

陽門



陽門二星在庫樓東北隘塞外寇盜之事

陣車



陣車三星在氐南主革車兵車

亢宿



亢四星名天府一名天庭總領四海名火星春夏水秋冬金暗國內亂弱大明天下安寧日月蝕亢中國有事


五星犯亢逆行君憂失國大臣不用木星守留三十日
已上有赦年豐久守其國米貴人多疾病水災木與火
星同穀不成人死如草木水災火星守多雨天下兵盡
返大起水星守其分米貴久守多病大水災也土星守
萬物不成多病金星守天下道不通兵起盜賊水災傷
人金星行入南上道五穀傷赤色旱人流走彗孛犯之
其國兵起大臣作亂一年月暈圍光士卒自將百里不
遂士卒死

梗河



梗河三星梗在大角帝座北主天子鋒又主胡兵及喪
訣曰梗河去也相去吉相向兵起客守世亂矣

騎官



騎官二十七星在氐南主天子騎虎賁貴諸侯之族子
弟宿衛天子令三衛之像星衆天下安星少兵起五星

守之兵起西北入北辰一百十五度

車騎將軍

。

車騎將軍星在騎官東南主車騎將軍之官

車騎



車騎三星在騎官南總領車騎行軍之事


西咸



西咸四星在氐東主治淫佚南星入氐五度去北辰九


十三度

七公



七公七星在招搖東氐北為天相主三公七政善惡星
明則衆議詳審星入河中米貴人相食金星守天下兵
起亂西星入氐四度去北辰四十九度

積卒



前下積卒星十二在氐東南星微小吉如大明及搖動

主朝廷有兵微小吉一星亡兵半出二星亡兵大半出
三星亡兵盡出五星守兵起星西入氐十三度去北辰
一百二十四度

房宿



房四星名天府管四方一名天旗二名天駟三名天龍
四名天馬五名天衡六為明堂是火星春夏水秋冬火
房為四表表三道日月五星常道也上第一星名為右
服次將其名陽環上道二星名右驂上相其名中道三

名左服次將其名下道四名左驂上相總四輔左驂左服云東方及南方可用兵右驂右服云西方北方不可用兵

玄戈。

玄戈一星在招搖北一名臣戈五星守兵起星明動胡兵起入氐一度去北辰四十二度

招搖。

招搖星在梗河北主胡兵芒角動兵革起行入氐二度

去北辰四十一度

顓頊



顓頊二星在折威東南主治獄官拷囚增杖察真偽也

氐宿



氐四星為天宿宮一名天根二名天符木星春夏木秋
冬水主皇后妃嬪前二大星正妃後二左右大明為臣
奉事君寧暗失臣勢動臣出國日月蝕氐中君犯惡之木
星守之后喜守二十日有王者之所行不利疾則治遲

行臣職主守必有諸侯並王火守大臣相譖逆行而赤
色大臣亡久守六十日有大赦火星入之有賊臣為亂
近期一年遠二年金星守者有兵起將軍有封爵者火
之位水守有大水漂浸宮館萬物不成水入貴臣憂有
獄事客守布帛貴土星守有立太子久守八十日已上
國有兵起彗孛行入氐中後宮有異兵動不出一百八
日內遭水東平月暈圍氐大將軍殃人多疾病

鉤鈴



鉤鈴二星主法去房宿七寸第一名天樅二名天宮籥
開藏若近夫妻同心遠者夫妻不和大明則羣臣奉職
天下道洽暗則羣臣亂政王道不行日月蝕房中王者
亂昏大臣專權木星守天下和平留四十日五穀豐人
安吉無疾病天子有令德期在四月火星守有兵起七
月有大喪及赦十日守大夫災二十日不去必臣反及
君上天子憂亂王者惡之天下兵旱守止一日大臣亂
土星守有妾王亦亂旱及地動久守其有兵金守陪脇

君大有土功事國亂布帛貴久守人饑易主火守姦臣
謀王大臣相譖暴誅臣佐天下乖離若出房心中間地
動客守米貴十倍日月五星犯之色青國憂兵喪色白
大兵相殺積尸如丘彗孛入房國危人亂相殘流星入
房西行為枉矢王殺忠臣臣殺主輔臣亡遠期三年常
以三月候房日月出表南大旱喪出表北災及萬里兵
亂陰雨若出中道太平許徐潁州月暈圍房心災疫凶
五度九月日此上去北辰一百四度半

罰



罰三星在東咸西下西北而列主受金罰贖市布租也

東咸



東咸四星在房東北主防淫佚木在北守而搖動天子
淫佚過度星南入心二度去北辰一百三度也後則不
過百八十日遠則不過三年起於宋汴等州

天乳



天乳星在氐北主甘露十五度十二中西南星去北辰

九十六度北件屬前項天乳別

貫索



貫索九星在七公前為賊人牢牢口一星為門門欲開
開則有赦若赦主人憂若牢門閉及口星入牢中有自
絞死者以五子日夜候之一星亡有喜事二星亡有爵
事三星亡有赦甲庚期八十日丙辛期七十日戊壬期
六十日星入河中人相食若九星總見獄事煩水星守
水災火星守米貴有大星出牢大赦小星即小曲恩降

慮口舌右星入尾一度去北辰五十五度也

巫官



巫官二星在房西南主醫巫之職事也

天福



天福三星在房西主鑒駕乘輿之官也

鍵閉



鍵閉星在房東北主管鑰星不欲明明則內亂門扉不

禁姦淫至行於女也


心宿



心三星中天王前為太子後為庶子火星也春夏木秋
冬水一名大火二名大辰三名鶉火中星明大赤為照
天子德行暗小失常色為主微弱不能自斷星不欲直
直則主失計動搖天子憂木星守天下安久守而絕犯
者臣謀主大兵起火星守地動守二十日臣謀主色黑
主崩之像土守聖帝出謀臣天下太平有云國有赦久
守不去憂賊天下大旱有金星守山崩四方兵起久守

二十日已上去心三寸兵起鉤戟上殿期八十日亦有
大蟲災人饑災也水星犯有水災及旱兵起布帛貴客
守犯大旱赤地千里日月五星經心失積赤暈虹蜺背
向蝕人饑兵起臣反國易主喪大臣使客月貫心內亂
彗孛入心主憂有喪大臣廢黜心變期急不過七日之
應也

天市



天市垣五十六星在房心北主權衡一名天旗大明則米貴市中星衆則歲實五星入市門則兵起芒角色赤赤氣入大災火守米貴所守坐犯皆當之門左星入尾一度去北辰九十四度也

候

侯星在市東主輔臣陰陽法官明則輔臣強小暗輔微


弱入箕三度去北辰七十二度

宦官



宦官四星在帝座西南侍帝之傍入尾十二度

斗



斗五星在宦星西南主稱量度明斗西後則豐若斗亡
仰不熟入尾十度

宗人



宗人四星在宗政東主司享先人星動帝親致憂

宗正



宗正二星在帝座東南主宗正卿大夫暗失位宗族有事



--	--	--	--	--	--	--	--

星經卷下

屠肆



屠肆二星在帛度北主屠煞之位也

市樓



市樓六星在市門中主閭闔之司今市曹官之職

斛



斛四星在北斗南主斛食之事已上諸星並在市中也

女床



女床三星在天紀北主後宮生女事侍帝及皇后明則宮人自恣入箕一度去北辰五十三度

帝座



帝座一星在市中神農所貴色明潤天子威令行微小凶凶大惡之入尾十五度去北辰七十一度

宗星



宗二星在候東主宗室為帝血脉之臣錄皇家親族等

級星明則族人有序暗則族有憂

列肆



列肆二星在斛西北主貨珍寶金玉等也

東肆



東肆二星在宮門門垣左星之西主市易價直之官

帛度




帛度二星在宗星東北主平量也

天紀



天紀九星在貫索東主九卿萬事綱紀掌理怨訟與貫
相連有索即地動期二年星不欲明即天下有怨恨生
亡則國政壞西入尾五度去北辰五十一度

天棒



天棒五星在女床東北主忿爭刑罰以禦王難備非常
明太有憂微小吉不用明火星守兵起入箕八度去北
辰十二度春夏火秋冬水主八風之始一名析木

天維



天維三星在尾北斗杓後若星散則天下不徵名也

天江



天江四星在尾北主太陰明動大水不禁兵起不具天
下津梁不通南星入尾六度去北辰一百十一度

天龜



天龜六星在尾南漢中主卜吉凶明君臣若火星守旱
澇災入尾十二度去北辰一百四十一度


天魚

。

天魚一星在尾河中主雲雨理陰陽明河海出天魚搖
暴水災火星守南旱北水

神宮

尾宿



龍尾九星為後宮第一星后次三夫人次九嬪次嬪妾
一名后族水星也二風后三天鷄四天狗五太廟皆欲
明大小相承則宮多子孫傳說曰一星在第二東二寸

小者是長其星明則輔臣忠政暗則陪臣亂邦木星守
立太子三十日必后族逆兵妄賣權臣亂國火星守兵
相向大臣憂火與水合守箕尾間名九江口必有赦若
勝踊折絕者天下亂及早災土星守多盜賊旱宮有廢
黜土入魚鹽貴兵起大將出征土火星合守准上金星
入守人亂大臣變易失政水守入天下水災江河決魚
米貴客守賊暴貴客入天下大饑荒亂人相食疾疫死
竄他方不耕織君子貨衣小人賣妻子日月蝕於尾貴

臣中相刑反暈虹蜺背向尾將相憂亂后有喪彗孛行
犯貴臣誅內寵亂政幽州定冀遼東等之應也

箕宿



箕四星主後別府二十七世婦八十一御女為相天子
后也亦為天漢九江口主梁在漢邊金星春夏金秋冬
土箕后動有風期三日也前二星為后也箕入河中大
饑人相食箕前亦名糠星大明歲豐小徵天下饑荒天
下無米木守宮有口舌火星守天下饑久守環遠成鉤


已大臣被誅火守大水災平澤溢若十月守之大水米
倍饑土水二星守萬物不成饑久守兵起或米貴或赦
金星入守兵起有赦更主久守風旱防內亂兵起攻城
水星守穀不豐入大人憂客守天下大饑米貴十倍人
相食流亡他邑不耕織色赤大風雨亂客在南旱計日
月五星入其中天下兵起滄洲洛陽玄菟廣陵等應之
也

建星



建六星在南斗北天之都開三光道也主司七耀行得失十一月甲子冬至大應治政之宿所起也木星守水災米貴多病金星守萬物不成火星等守惡水星守人饑西星入斗七度去北辰一百十三度

天弁



天弁九星在建近河為市官之長暗凶無萬物明大萬物興衆主市易也

狗



狗二星在斗魁前主卿臣移處卿臣為亂

狗國




狗國四星在建東南主鮮卑烏丸明邊兵起也

天籥



天籥七星在斗杓第二星西主關籥開閉明吉暗凶災

觜




天鰲十五星在斗南主太陰水蟲不在漢中有水火災
白衣食星大人喪火守旱水星即水災右入斗一度去
北辰一百二十七度

漸臺



漸臺四星屬織女東足主晷漏律呂陰陽事

輦道



輦道五星屬織女西足主天子遊宮嬉樂之道也

杵



杵三星在箕南主杵臼舂米事星動人失釜甑修田橫
大饑荒守之天下饑北星入箕一度去北辰一百四十
三度

農



農丈人一星在斗南主農官正政司農卿等之職
北方七宿三十五星九十八度七十五分五十秒


斗宿



南斗六星主天子壽命亦云宰相爵祿之位巫咸氏云
木星春夏木秋冬水一名天斧二名天闕三名天機大
明王道和平將相同心帝命壽天下安暗大臣失位天
下驚芒角動搖國失忠臣天下愁木守六十日大臣增
壽爵祿水逆行入魁中大臣逆久守兵起水災大饑人
相食火守國有內變相輔不安兵起火逆行順守者及
遠城鉤已將相崩死國災火久守國絕嗣土星守入斗
中有王者不用兵昇大位守之九十日兵起水災金星

守執法大臣作逆國亂兵起有赦火金星俱入斗中名
曰鑠必有臣子逆久留遲火經過速出者禍難速平水
星守水災火入斗兵起於吳越大饑守客有兵絕道
卒有大水賊盜多亂喪弟攻兄子殺父或主崩朱貴久
守國絕嗣客守第二星大水人相食客赤色入斗中兵
起軍將死日月入斗大臣失位或被戮若斗中蝕者日
帝惡月后惡暈圍斗之人流千里江池丹楊越廬洪地
等應也

天泉



天泉十星在觜東一曰大海主灌溉溝渠之事也

織女



織女三星在天市東端天女主荻果絲帛收藏珍寶及
女變明大天下平和常以七月一月六七日見東方色
赤精明女功善一星主兵起女人為役常向扶匡即善
不向則絲帛倍貴火星守布帛貴兵起十年乃息公主

憂客守絲帛等貴入二十七去北辰五十二度也


牽牛



牽牛六星主闕梁工役主大路中主牛木星春夏木秋
冬火中央火星為政始日月五星行起於此皆携星遠
漢天下牛貴明亦貴暗小賊入漢中并役死直米穀價
平曲米貴失常色牛多死穀不成水星守天下和平久
守水災人凍死米貴賣子虎害人臣謀主水逆久守有
水道不通火星守老臣逆牛貴十倍人相食兵起將軍

死大水災津梁不通土星守臣謀主君有失位臣金星
守地氣泄兵起至城天下人多死水守辰星常以冬朝
牽牛若不朝來年五穀不熟大水損害客守二十日兵
起彗孛行牛中吳越有自王者彗出牛中七十日有政
更像虹蜺出牛必有壞城臨淮月暈圍牛損小兒災變
也八度八月昏中氐中去北辰一百十度

扶匡



扶匡七星在天柱東主彘蠶之事

天鷄



天鷄二星在狗國北主異鳥火星守兵起土守人饑相食流亡

河鼓



河鼓三星中大星為大將軍左星為左將軍右為右將軍星直吉為羽軍幹能曲即凶為失計奪勢左右旗各九星並在牛北枕河主軍鼓達其聲音設守險以旗表


亡動兵起左旗黑色主陰幽之處備警急之事河鼓有
芒角為將軍雄強百盛也

天浮



天浮四星在左旗南北列主漏刻天鼓若暗漏刻失時
明則得所吉


九坎



九坎九星在牛南主溝渠水泉流通明災起暗吉五星

守及犯之水泛溢西入斗四度去北辰一百二十六度

天田



天田九星在牛東南主畿內田苗之職

羅堰



羅堰二星在牛東星不明暗吉大明馬被水淹浸

女宿



須女四星主布帛為珍寶藏一名嫫女天女水星春夏

水秋冬火大明女功有就天下甚熟小暗天下不足庫
藏空虛日月蝕女中天下女功不為邦憂患木星守歲
多水有喜女主人多凍死火星守產婦多死布帛貴蒙
土星守人相嫉惡有錢人暴貴存女喪金星守臣下謀
主兵起人多死女多寡府藏出珍帛水星守有水災萬
物不成布帛貴客守諸侯進妓女布絹貴有女暴貴彗
孛行犯國兵起女亂常海西郡婺州台州等月暈圍主
女死也十二月日在此二月旦中西星去北辰一百六

度

離珠



離珠五星在女北主藏府以御後宮移則亂西入女一度去北辰九十四度也

瓜瓠



瓜瓠五星在離珠北敗瓜五瓜南星明大熟主陰謀後宮天子果園星不具搖動有賊害人木水客星等守魚

鹽貴瓜瓠入女一度去北辰七十一度

璃瑜



璃瑜三星在秦代東南列北主王饑衣服

虛宿



虛二星主廟堂哭泣金星春夏水秋冬金一名玄枵二
名顓頊三名大卿亦臨官星欹枕斜上下不比則嚮祀
失禮木星守昭穆失序人饑多病木星與土合守名陰
陽盡為大水災魚行人道民流亡不居其處期三年當

大旱赤地千里火星守赤地千里女子多死萬物不成
有土功役天子之兵久守人饑米貴十倍土守風雨不
時大旱多風米貴金星守臣謀主國政急兵起殺人流
血水星守旱萬物不成其客守其分有災疫若凌犯環
遼鉤已國亂彗孛行犯久有兵入相殺流血如川屍如
丘大星如半月守名天賊為帝王者奉郊廟以銷災齊
州日圍虛兵動人饑

越

。

越一星在婺女之南

鄭



鄭一星在越星南

趙



趙二星在鄭之南

齊



齊二星在越星南

周



周二星在越星東

楚



楚二星在魏星南

燕



燕一星在楚星南

秦



秦二星在周星東南

魏



魏二星在韓星北

韓

○

韓一星在晉星北

晉

○

晉一星在代星北


代

○—○

代二星在秦星南

右件星色黑變動流亡五星凌犯則其國各當咎也

司非 司危 司祿 司命



司命司祿司危司非各二星已上在虛北司祿次司命
北司危次司祿北司非次司危北

右各主天下壽命爵祿安泰危敗是非之事

天津



天津九星在虛北河中主津瀆津梁知窮危通濟度之

官星明動兵起參差米貴星大津不通三河水為害星
移河溢覆赤氣入之旱災黃白氣入天子有令德火星
守天下大亂及旱酉入牛二度去北辰四十九度也

危宿



危三星主宮室祭祀土星春夏水秋冬火動而暗天子
宮室土功事興

墳



墳墓四星在危下主山陵悲慘事暗失本位小不見則

山陵毀梓宮剗剗事也日月蝕危中主宮殿崩陷大臣
殺逆天下作木星守祀不敬天子別造官室土火守人
多役死不菲歲儉南方有兵久守東大兵逆國敗政人
饑旱米貴十倍土星守土功起旱損急兵金星守罷兵
將軍喜慶水星守臣下亂謀敗破被刑法官有憂國有
水災日月五星入天下亂來年大饑客守國政主王侯
事米貴彗孛行犯國返兵起流星入天下不安近半年
遠三年蔡州太原郡月暈圍邑人多病

室宿



營室二星主軍糧離宮上六星主隱藏木星春夏火秋
冬水一名宮二名室明國昌動搖兵出起日蝕室中王
自將出征不伏月蝕歲饑百姓絕種上六星名離宮主
六宮妃后位為掖庭永巷若危乘守入城鉤已環遠左右
逆行往來於宮者為妃后廢黜或主崩后黨被誅或宮
女外通以時占之木星守在南東有善事北即憂西米

貴火星守將軍凶久守成鉤已者主失官位大臣陰謀
憂旱米貴十倍大臣作逆守經二十日已上至久九十
日臣亂殺君篡位天子惡之土星守主陰造宮室起土
功將軍益封金星守兵革散久守軍兵滿野水星守水
災民為主欲敗亡候之不出四十客守有軍出失兵法
主民得地人米貴人散彗孛星出天下亂國易政卒為
敗曠政彗孛犯之前起兵者為弱亦不守鬪戰必敗涇
渭甘秦州月暈圓室壁下人謀成起謀不成婦兒多病

死者應之時取占之應也

奚仲




奚仲四星在天津北帝王東宮之官也

鉤



鉤九星在造父西河中星移主地動之應也

車府



車府七星在天津東近河主官車之府也

哭



哭二星在虛南主死哭之事

泣



泣二星在哭星東已上並主死悲泣之事

造父



造父五星在傳舍南主御女之官動則馬貴

蓋屋



蓋屋二星在危宿之南主宮室之事也

虛梁



虛梁四星在危南主國陵寢廟非人居處

天壘



天壘十三星如貫索狀在哭泣之南主北夷丁零匈奴之事也

敗臼



敗臼四星在虛危南主政治如哭泣亡人賣釜甑出鄉

宅客守人亂西南入女十三度去北辰一百三十一度

人星



人五星在危北主天下百姓亡官有詐偽作詔勅之人
為婦人凶亂者也

杵臼



杵臼星在人傍主春軍糧白四星在杵下若杵臼不相
當軍事饑白仰歲熟豐傾覆大饑也

土吏




土吏三星在室西南主備設司過農事

天錢



天錢十星在虛梁南主錢財庫聚天下財物庸調之輩
司今左右庫藏是也

騰蛇



騰蛇二十三星在室北枕河主水蟲暗國安移南大旱
移北大水客守水災頭入室一度去北辰五十度也

天海



天海十星在壁西南五星及客守之水涌溢浸溺人邑

雷電



雷電六星在室西南主興雷電也

雲雨



雲雨四星在雷電東主雨澤萬物成之

霹靂



霹靂五星在雲雨北主天威擊擘萬物

北落

。

北落師門一星在羽林軍西主候兵星明大而角軍兵
安小暗天下兵五星犯兵起金水木星守尤甚木土犯
吉火星守人兵羽不可固國殘朝亡入危九度去北辰
一百二十度

天網

。。

天網二星在北落西南主天繩張漫野宿所用也

八魁



八魁九星在北落東南主獸之官五星及客守之兵起
金火星守尤凶甚

鉄鎖



鉄鎖三星在八魁西北一名斧鉞主斬刈亂行誅誑詐
僞人暗吉移處兵起

壁宿




東壁二星主文章圖書也土星春夏金秋冬土一名天
術失色大小不同天子將封鄙土而失天下過日蝕壁

中國不用賢士失文字月蝕中大臣憂文者死木星守
五經仕人被用朝廷興火星守大臣謀君歲旱不熟米
貴不顯內外勝政兵起土星守久賢臣國用文章道術
興行國君延壽天下豐熟太平火星入中街君崩五日
則相薨若不死則流散土星守逆行入壁萬物不成守
經九十日已上大兵起百姓有立王者金星守天下不
通王者急刑罰有兵大臣憂水守水災道不通客守多
風雨及水災臣下賊王者政刑事內明通明有政事內

清月暈壁其久國亂彗孛行犯兵起火守火災太廟門
天下有兼并者壁明王道興有君子在位星暗王道衰
人得用武蘭涼衛州等分也

羽林



羽林軍星四十五星壘辟十二星並在室南主翊衛天
子之軍入安飛將星欲威明天下安星暗兵盡失西入

室五度去北辰一百二十三度也

王良



王良五星在奎北河中為御馬官漢中四星天駟旁一
星名王良主疾及路為天橋主急兵也星不具津河不
通移向四方隨方有兵起也

策

。

策一星在王良前為天子僕策御馬云王良策馬軍騎
滿野大兵起火守良兵起明則馬賤暗即馬貴西入壁

半度去北辰四十二度

土公



土公二星在壁南主營造宮室起土之官等類也

廐



天廐十星在壁北主天子馬坊廐苑之官也

說郭卷一百八上